

آبونه شرائطی : هر ر ایچون
سنه لکی (۴۰۰) التي ایلنی
(۲۲۵) ، ممالک اجنیه ایچون
سنه لکی (۴۰۰) ، آلتی آیلنی
(۲۵۰) غروشدر .

نسخه سی ۷,۵ غروشدر .
سنه لکی ۵۲ عدددر .

اداره خانه : باب عالی جاده سنده
رشید افندی خاتمه

اخطارات

آبونه بدلی پشیندر .

مسلمه موافق آثار مع المنونیه
قبول اولنور . درج ایدله بن
یازیر ااده اولماز .

والله یهدی من یشاء الی صراط مستقیم

باش محرر
محمد ماکف

صاحب و مدیر
اشرف ادیب

تذکره

۱۳۳۰

آدره سن تبیلده آیریجه
غروش کوندرملیدر .

مکتوبلرک امضاری واضح
واوقوناقلی اولسی وآبونه
صره نومروسنی محتوی
بولونسی لازمدر

ممالک اجنیه ایچون آبونه
اولانلرک آدرسلرینک
فرانسزجه یازلسی رجا اولنور .

پاره کوندرلدیکی زمان نیه
داثر اولدینی بیلدیرلسی
رجا اولنور

اتبعون اهدکم سبیل الرشاد

جداً شایان تأسف بر حال ا اساساً مکتب کرده علم و عرفان نامنه برشی قلمادی . بوتون فعالیت و همت او یونلره حصر اولوندی . معارف و کاتی یتش بیک لیرا اسپورجیلره تخصیص ایتدی . اسپور قلوبلری ، اسپور مسابقلری ، اسپور قونقره لری ، غزته لره اسپور صحیفه لری ... الحاصل صوکه زمانلرده اسپور علم و عرفان یرینه قائم اوله جق قدر اهمیت کسب ایتدی . بویله ایکن سپور قلوبلرینک تورک کنجلیکنک جسمنی و روحنی تربیه کبی غایه لردن اوزاقلاشمسی ، تردی علاقی کوسترمسی البته تأسفرله لایقدر . غزته لره یازدیغنه کوره کچن کون مختلف اسپور قلوبلری آره سنده کی اختلافلر سوراق قاوغالرینه ، مضاربه لره قدر ، نجر اولمش . آقشام محرری دیورکه :

« تورکیانک هنوز یتیشن مکتب کنجلیکنک وجوده کتیردیکی قلوبلر ، شرقواری سیاسی فرقلر منظره سنی مرض ایدیور : عین خسته لقلرله معلولدرلر . مادتا قلبله سپور عشق یرینه ، علی العاده قلوب رقابتلرینک احتراصی حاکم اولویور . »

نه قدر یازیق ا بزم بوتون امیدلریمز بوکنجلرده ایدی . بونلرده دهاشیمدین بویله احتراصلره مغلوب اوله جق اولورلرسه ایشک ایلریمی نه حال کسب ایدر ا مع التأسف کورولویورکه مکتبلر کنجلیکه لازم کان فضیلت و فداکارلق حسلرینی ویره میور . چوجقلر پک مادی ، پک منفعت و احتراصه دوشکون بر صورتده یتیشدیریلیور . آکلاشیلورکه مکتبلرک اک بویوک نقصانی سحیه مسته سیدر . چوجقلر تام بر سحیه صاحبی اوله ق یتیشدیریله میور . حیانه آتیلیر آتیلماز احتراص و تردی علامتلری کوستریور ا چوجقلری مؤاخذه یه هیچ محل یوقدر . اونلر معذوردرلر . کوردکلری تربیه ، آلدقلری درس بویله در . اونک ایچون ایشی اساسندن حل اتمیه ، مکتبلری مادیتپرستلکدن قورتارمق معنوی طویغولرله ، سحیه و فضیلت حسلرله تجهیزه چالیشمیدر . باشقه چاره سلامت یوقدر .

ایچکی فخرمنده استانبول فخرمن امتیازات

طاشکوپرونک دباغخانه محله سندن قیرقیر موسانک قهوه خانه سنده علناً مسکرات استعمال ایدن دکرمنجی اوغلی حسین افندی ایله رفیق محمود و حسین جهت عدلیه یه تودیع قیلنمشلر . استانبولده ایسه غازیولرده دکل ، سوراقلرده بیله راقی ایچیلورلر . اقشام اولدیمی مثلاً بویوک آطه نک اسکله جواری راقی قوقوسندن کچیلمیور . هر کسک کوزی اوکنده ، یولک ایکی طرفنده شیشه لر طولوب بوشالیور . استانبولک ازلی امتیاز واستناسی واردر . حکومته مراجعت ایدن میخانه جیلرک عددی کچن هفته یه قدر (۱۰،۶۱۶) یه بالغ اولمشدی . اقشامدن صوکه سوراقلر سرخوش نعره لرله ایکه یور . بوراسی

بویله ایکن طاشکوپروده حسین ایله رفیقلری محمود و حسینک جهت عدلیه یه تودیع اولونمسی ضریب دکلر در ؟ طاشکوپروده عدلیه سنی مؤاخذه ایتک ایسته میورز . بالعکس قانونی تطبیق ایتدیکی ایچون شایان تقدیردر . یالکز ایشک غرابتی ، بوقاوندک ناصیل اویونجاق حالته کلدیکنی کوسترمک ایسته میورز .

ژاپونیا ده جماعتلر بایرام نغاری قیومه مسلمانلر

ژاپونیا نک بوکونکی پانجی اولان (توبکو) شهری ایله اسکی پانجی اولان (کیوتو) و بویوک برلیانی بولونان (فوبا) شهرلنده مسلمانلرک اجتماع ایدره ک بوسنه جماعته بایرام نمازلری قیلمش اولدقلرینی ، ژاپون غزته لری طرفندن جماعت اسلامی نک بایراملری حرارته تبریک و تسعید ایدیلش اولدیفنی مانجوریا ده (خارین) شهرنده انتشار ایدن (ایراق شرق) غزته سنی یازیور . بوندن اون بئش سنه مقدم ژاپونیا ده برتک مسلمان یوق ایکن بوکون جماعته بایرام نمازی قیلنمسی مسلمانلق نامنه افتخار ایدیله جک بویوک برحادثه در . بوخصوصه اک بویوک حصه افتخارده عبدالرشید افندی پدیریمزه طانددر . چونکه بوموقیته اک مهم عامل او اولمشدر . عبدالرشید افندی ژاپونیا ده کیتدیکی زمان هیچ بر مسلمان یوق ایدی . عبدالرشید افندی ژاپونیا ده بر سنه قدر قاهره ق اسلامه دعوتنده بولونمش و بو دعوت نتیجه سنده بعض ژاپون رجال شرف اسلامیتله مشرف اولمشردی . عبدالرشید افندی نک ژاپونیا دن مفارقتی اون بئش سنه اولدی ، فقط ژاپون مسلمانلری کون کچدیجه مسلمانلقلرینی تحکیم ایتدیله . بونلرک ایچنده بالخاصه (حاجی عمر پامالوا) شرف اسلام ایله مشرف اولدیفنی کوندن بری ژاپون غزته لرنده نشریات اسلامییه یه دوام ایتمکده در . بوکون ژاپون مسلمانلرده شلریمزک قاچه بالغ اولدیفنی ییلمیورز . فقط بایرام نمازی قیلدقلرینه باقیلیرسه هر حالده برجماعت تشکیل ایده جک قدر چوغالدقلری آکلاشیلیر . ان شاءاه برکون کلیر نور اسلامیت ژاپون آطه لرینی ده قایلار ، (پریدون ان یطفوا نورالله بافواهم و یا بی الله الا ان یم نوره ولو کره الکافرون .)

اخطار

برنجی صفحاتک اکسیک اولان ۱۱ و ۱۲ نجی فورمه لری طبع ایدیلمشدر . بو فورمه لری اکسیک اولانلرک اداره خانه مزندن آلدیرمه لری رجا اولنور . طشرده اولانلر مکتوبله آدرس لرینی بیلدیرلرسه درحال کوندریلیر .

§ صفحاتک دردننجی کتسابی اولان (فاتح کرسیسنده) نک دردننجی طبیی در دستدر . بو هفته ان شالله اکال ایدیلش اوله جقدر .

آبونه لری ختام بولونه قاریجی کر امک آبونه برلرینی ارسال ایتک لطفنره بولونمدری ربا آبونه ده صرف نظر ایدرکلرینی اشعار بویورمدری باظاصه رجا اولنور .